



Sarajevo, 01.12.2010. godine.

## Saopštenje povodom održane zajedničke sjednice sindikata ŽFBiH.

Danas u Sarajevu, na zahtjev Samostalnog sindikata željezničara BiH, održana je zajednička sjednica sa najvišim rukovodstvom Sindikata mašinovođa-strojovođa u FBiH i Samostalnog sindikata izvršnog osoblja područje infrastrukture ŽFBiH, odnosno sindikata potpisnika Kolektivnog ugovora željezničara u Federaciji BiH.

Sjednici je održana u proširenom sastavu od članova Upravnih odbora ova tri sindikata. Tema sjednice se odnosila na trenutno zbivanje nastalo političkom krizom u Željeznici FBiH te nakon konstruktivne rasprave doneseni su određeni zaključci u vidu smjernica i operativnih aktivnosti.

Na zahtjev predsjednika SSIOPi ŽFBiH, gosp. Igora Bobana, dao je na znanje prisutnim akt u kojem stoji da je Upravni odbor ovog sindikata, dana 26. novembra 2010. godine, donio Odluku „da neće sudjelovati u formiranju Vijeća uposlenika“ i time otklonio sve dileme oko manipulisanja imena ovog sindikata od strane Uprave Društva. Također izvjestio je prisutne, a na osnovu usmenog priznanja od strane predsjednika Samostalnog sindikata željezničkih radnika Hercegovačko-neretvanske Županije/Kantona, gospodina Jurkovića, da je ovaj sindikat također donio odluku o odustajanju u bilo kakvim aktivnostima vezano za formiranje Vijeća uposlenika u ŽFBiH.

Osnovna konstatacija svih prisutnih se odnosila na grubo kršenje odredaba Zakona o radu, Zakona o Vijeću uposlenika, Kolektivnog ugovora željezničara Federacije BiH i Pravilnika o radu ŽFBiH od strane Uprave Društva JP Željeznice FBiH d.o.o. Sarajevo koja se odnose na već poduzete aktivnosti oko formiranja Vijeća uposlenika od strane tkzv. Inicijativnog odbora, VIII Izmjena i dopuna Pravilnika o radu tj. akcenat na član 128 b. i c, ne provođenju konsultacija sa sindikatima vezano za prijem novih uposlenika po kome je Uprava samoinicijativno izvršila izbor kandidata, te o alarmantnoj situaciji vezano za otklanjanju ugroženosti pružnih dionica u kome se dovodi daljnja bezbjednost u željezničkom saobraćaju.

Također, doneseni su zajednički zaključci da se prema Upravi Društva, Nadzornom odboru, resornim ministarstvima u Vladi FBiH, Federalnoj Upravi za inspekcijske poslove pošalju akti oko hitnog postupanja u rješavanju primijećenog narušavanja prava željezničkih radnika iz radnog odnosa, plaća i zaštite na radu. Donesen je i zaključak oko pokretanja Radnog spora prema mjerodavnim institucijama koja rješavaju ova pitanja.

Sve strane su se dogovorile da slijedeću sjednicu održe u Čapljini na kojoj se očekuje prisustvo lidera svih sindikata u sistemu ŽFBiH gdje će se donijeti zajednička Platforma vezano za organizaciju plebiscita, odnosno referenduma na kome će uposlenici ŽFBiH definitivno, tajnim glasanjem, izjasniti o formiranju Vijeća uposlenika. Također, na planiranoj sjednici očekuje se zajednički stav oko donošenja moguće odluke oko najave Generalnog štrajka u drugom dijelu mjeseca decembra/prosinca.



**SAMOSTALNI SINDIKAT IZVRŠNOG OSOBLJA  
PODRUČJA INFRASTRUKTURE ŽFBiH  
Put života 2. 71000 Sarajevo**

**INCIJATIVNI ODBOR ZA FORMIRANJE VIJEĆA UPOSLENIKA**

Sarajevo, 26.11.2010. god.

Broj: 02-XI/10

Predmet: odluka Upravnog Odbora SSIOPi ŽFBiH.

Ovim putem vas obavještavamo da je Upravni Odbor SSIOPi ŽFBiH na svojoj sjednici održanoj 26.11.2010. god. u Sarajevu donio slijedeću

**ODLUKU**

**Samostalni Sindikat Izvršnog Osoblja Područja Infrastrukture ŽFBiH neće sudjelovati u formiranju Vijeća Uposlenika.**

S, poštovanjem.

Dostavljeno:

- inicijativnom odboru za formiranje Vijeća Uposlenika,  
- a/a.

Predsjednik Sindikata



Odluku primio član inicijativnog  
Odbora za formiranje Vijeća Uposlenika

  
Želimir Krezić